

壺園詩外集

壺園詩外集卷一

歙徐寶善廉峯甫著

四友歌爲劉先生子春作

一峯先生古遺直萬卷撐腸性愛客自言平江得四友

耐久不與神明隔斷紋庚庚三尺琴遺銘斲腹太古音

琴音韻夫古遺直四字手驅造化回沍陰一彈再彈江水深頽然

古壁作雷吼響劍寒芒射星斗對此雄心壓萬夫請纓

欲斷樓蘭首先生有杖堅多節非竹非籐堪屈鐵扶桑

日出東海東晦暝疑有蛟龍奪去去端溪割紫雲稠桑

美石盡可焚淋漓墨汁傾一斗書徧羊欣白練幫我聞

遠塵齋文集
茲言轉太息世能風雲那可測當面輸心背面笑舊雨
不來今雨絕卽看世上金石交乘車戴笠訂久要今宵
同語一杯酒明日長行萬里橋烏乎安得常如四友心
不欺終日相隨無別離

伏生授書歌

六經不盡焚秦皇秦之博士圖書藏歎山欲野楚一炬
然後典墳邱索灰燼嗟淪亡赤帝旣興至孝文搜求遺
書民間聞壁經未出蝌蚪伏得毋日日傷秦焚濟南伏
生授尚書彬彬齊魯皆通儒帝命臣錯往拜受原本遺
失兵燹餘頭童齒豁土音圉有女習熟解傳語解傳語

齊音訛別風淮雨紛紛多今文二十九篇載儘教後世
窮蒐羅烏乎儒可坑身可殛腹內有書焚不得

銅馬式

天行莫如龍地行莫如馬伏波相馬師子阿謝帛儀丁
傳授者將軍按劍英風生嶠南削平震華夏駱越銅鼓
聲鏜鏜鑄作馬式神軒昂鼻分水火脣急方口有紫燄
噴紅光銅式勒成相法備宣德殿下騏驎長騰驤烏乎
相馬如相人威儀棗棗存其真曲江風度千秋在誰鑄
開元宰相身

襄陽歌

乘駿馬高陽池山公酩酊倒接羅峴山蒼蒼漢水碧銅
鞮爭唱襄陽兒昔我總角時挂席遊武昌連天烽火妖
氛張白賊下川窺房竹旌旗慘淡天無光雙溝倒流血
凝碧烏鳶飢啄人肝腸是時耶襄之民苦塗炭戈鋌震
聾 天威揚渠魁就殲賊鋒掃大隄仍唱襄陽好習家
池畔今如何芙蓉菱芡搖迴波生當 盛世民熙和同
頭小劫匆匆過兒童拍手歌新歌道比山翁樂夏冬

滎陽困

死不畏鼎鑊烹節不爲鬼神奪將軍矯矯英風烈二千
女子東門降軍士傳呼降漢王白虹一道橫蒼蒼絕將

軍卒赤帝亡頂王雖怒氣不揚吾戴吾頭來誑楚出門
一步卽死所違計此身膏鑽斧惜哉沐猴而冠不足語
君不見郤子不殺逢丑父

豔歌

古瑟不可調素琴不可張窈樓有美姝容色豔朝陽白
璧雕佩環明珠飾耳鐙倩人壓金線裁作嫁衣裳窈窕
浣紗女身無羅綺粧長眉疑刷翠嬌額若塗黃照影向
溪水驚起雙鴛鴦竹栢守貞素桃李自穠香

湖上行穠包十二

祥麟

峭帆一葉三千里

舟發天津南下

快若并刀剪秋水又向蕪城

湖上行綠楊已老芙蓉死往者擊蘭楫桃李媚春陽美人隔珠幙金槽雙鳳凰催花舉觴政漏盡樂未央良會豈復減昔年可憐湖上皆荒烟歌臺已傾酒樓圯不飲豈爲囊無錢月影茫茫瀉碧空女垣呶呶吹角風疑是洛中刁斗聲顧盼寶劍橫青虹穰苴疇昔悔未覽放膽徒爾心神雄心神雖雄慘將別揚舡又到湘江北南望望君黃鶴樓白雲隔斷飛鴻迹

雪霽

開窗際殘寒極目舒遠眺峯尖雲際出樹影水中倒拳鷺平沙唳歸鴉夕陽噪猶有蓑笠翁寒江自垂釣

寄懷下四華亭

長風送客星幾度訪湘靈東閣未尋約南邦此又經江
涵孤月日雲入亂峯青短笛懷君意蛟龍起夜聽

夜雨聞雁

關河千里黑齋閣一燈紅何處雁聲急偏來雨夜中蘆
花江上夢羌笛塞前風雲外幾行字楚山東復東

舟泊

深箐暮烟暝倦鳥歸飛疾長笛一聲高遠山銜月出

月夜郎官湖懷古

瑤臺鏡出碧山嶺雲捲銀河亘清影我來鼓楫郎官湖

月色湖光開萬頃，金尊斗酒琥珀光。清音山水調笙簧，
醉後高歌碧雲落，彷彿天上聞霓裳。我聞青蓮昔遊此，
湖上吟魂呼不起。欲夢姮娥一問君，太白蒼蒼幾千里。
題澹庵和尚鵲磯晚眺圖

向夕帆影斜林深，山意靜危磯枕波間。茲焉繫孤艇，折
葦可渡江。避喧羞市井，慮澹物無營。契此幽寂境，達摩
面壁時。雲栖巖壑冷。

梨花

雨雨風風靜閉門，青旗暗捲易黃昏。誰家玉盞吹殘夢，
不到羅浮也斷魂。院落三更雲外影，牆頭一片月中痕。

望春閣外春將去強欲邀留對綠尊

連理石

山石突兀蹲堂中鐵骨映詩撐虛空太山之下琴堂畔
產竒結秀將毋同兩峯對峙斫不斷肌理細劈神爲功
我聞此石產靈壁磊磊黝碧光玲瓏枕雲雲氣森遠出
衣袂習習迴松風大者谿衍小犂确跨鶴安得窮其踪
呼之爲兄設三拜夜雨雙虬走精怪

于役濟寧酬敖復亭先生

一 璜舟中寄懷詩

引盃看劍興飛豪萬里歸心折大刀籟靜霜天寒戍角
一聲吹徹月輪高

無奈歸情又別情
烏啼月落曉烟橫
梅花東閣揚州夢
一棹沙棠載酒行

寒夜

女垣驚棲烏夜寒
角聲小碧海青天離別情
月娥亦爲愁人老
風澹澹兮烟冥冥
酌酒罷讀離騷經
烟塵隔斷楚天月
陣雲寒壓飛鴻絕
縱觀世事良悠悠
班生燕領萬戶侯
談兵誰祖春秋法
擊缺唾壺霜鏤秋
倚門絕纓仰天嘯
疎星幾點橫空照

大風江上吟呈敖復亭王東江先生

大風破江來陰霾慘
紅日墮雲流有聲然
燭晨掩帙斗

然百丈冰山摧千馬萬馬奔喧豕橫海鯨陸戰風雨靈
潭龍蟄轟霆雷大船箕簸江之隈小船橫擲波心來穿
浪浪捲歛出沒日月劇盪鴻濛開我從海門望蓬萊神
仙縹緲金銀臺詭譎烟雲狀萬變重洋賈舶心爲摧咄
哉江上行如探三山回手無錢王弩座有李白杯胷中
萬古鬱塊壘世人安解傾綠醅日聞先生奇論破孽啞
口決黃河碧天瀉晚來更讀韓蕪文猶與波濤相上下

行役

陰晴變昏旦江湖役未休日月空逝波夏葛復冬裘白
雲亂心曲鄉思逐東流疎林歇衆綠鳴琴空谷幽俯仰

天地間景物非昔儔君子樹修名海甸良悠悠

舟次除夕

白雲斷飛鳥江空鯉魚冷日月已云除萍梗托浮影豈
不羅酒漿伊誰娛高堂寒霜茹辛苦歷歷親心嘗頻夜
趨舞衣栢葉椒花香鳴禽弄朝旭展睇忽異鄉采菑復
采菑黃鳥不啄粟鵲江枕危寺斷塏截山腹暮雲挂青
松寒烟鎖翠竹溜淺石聚石邨荒茅蓋屋所覩良如此
憂懷悄未已鵬鵝盤秋風一舉萬餘里萬里匪云遙排
風養秋毫瀟湘烟水闊望望心徒勞

寄懷陳詩庭

蘭滋

兼以箴之

元龍意氣天下豪駿馬獨出盤秋郊雄奇不受黃金絡
足踏雲影風蕭蕭君不見白璧十二價敵城斗間夜有
虹氣橫又不見雙南之金精且純星芒作作躍麗瀆寶
物世人競羅取可憐誰識良工苦自古大器須玉成方
圓天地皆規矩別來嘯傲江湖間醉吟逸興飛雲烟悵
懷之子美無度落日空山歲遲暮修名何患不得樹良
玉在琢金在鑄

轅馬行和余鐵香

鼎

吁嗟乎爾胡不能躡影天衢騁絕足芻豆不受人間牧
又不能矯首風雲氣吐虹蹠躔千里成奇功英姿颯爽

骨幹豐蹙蹙乃與鹽車同干山月黑鞭笞從俯首帖耳
低垂髮連錢爲飾錦爲轡世上欵段誇真龍君詩寫馬
不寫貌下筆一洗萬馬空我行對此別有感且欲與子
觀其通嗚呼大車小車托輓軌干鈞之任任爾德馬兮
莫使霜蹄蹶

送李鹿籽

慶來歸江南

春江水暖桃花紅子規啼烟破碧空楚山雲樹黯千里
天外肅肅飛歸鴻蓼花洲畔思陳迹十載稻粱謀未得
如君豈復長甕貧腕下有鬼能通神干和大哭楚人笑
寶物終古難沈湮春風一月坐未久故園玉笛吹楊柳

依依楊柳不勝情春潮送綠來江城金尊有酒且傾倒
莫聽驪歌雜嬈惱會約金門獻賦來馬蹄踏遍長安道

凱歌樂

乍平洛中賊忽報關西警腥風扇流波毒痛楚蜀境嗟
爾從賊何其愚草無根兮木葉枯與爲溝中瘠甘作刀
下鬼溝中餓死不得生刀下喪生求速死 天語煌煌
若雷震殲其魁首從勿訛兼爲植其生匪特貸厥命租
稅今年罷設厰更議賑各各相慰藉婦子皆歡呼 皇
仁如天草木蘇疾電馳隙不稽誅夜無吠虜驚比閭織
者安織鋤者鋤嚮風崩角咸喁喁歌奏章夏拜殿除願

陳泰階之六符

舟中望廬山寄懷方通甫

元泰

紅螺細滴花露濃春山斂笑翠潑空嵐光倒寫落船底
五老迴絕東南峯峯攬入白雲去山欲出雲雲不許
坐倚篷窗學臥遊放吟却憶潯陽渚潯陽夜酌開綠樽
蒲帆朝引黯別魂美人不來愁日曛採香蘭兮託素鱗
君家草堂靜無塵君尊甫茶山年丈築草堂於天池峯側安得長結烟霞
鄰置酒邀月月到門桃源不與人世親醉眠直上扶桑
暎

題天女散花圖

香雲片片舞爛斑
玉洞仙人擁翠鬟
無限落紅春有恨
莫傳消息到人間

陶守齋

福恒

二十初度

昔我成童入甥館
君披短髮方髻鬣
四載燈窗翰墨緣
兩兩相知絕畦畛
著雍執徐夏六月
出門我結雙駒鞞
中間南北交騁馳
白下春風墮金粉
廿四橋頭古月涼
日夜笙歌作牽引
挂席瀟湘續舊遊
俯仰江山昔賢混
却望匡廬雲萬重
安得排風千里近
車聲轆轤長安道
朝發襄州駕連軫
上第終覺龍門高
獻策有似荆山臆
忽聞鞞鼓聲淵淵
盜弄潢池蹙爾蠶
返旆南轅北闕遙

彎弓已落高墉隼車塵馬足夏徂秋可惜駒陰擲虛牝
歸來我席未暇暖忽到洪都衣易紵雞窗剪燭話相思
分韻拈題各鬥敏火榴花發五月紅筵前殺菽蒲與筍
古者二十曰弱冠禮責成人此其朕昔年締交吾忝長
終虧爲木作繩準會看鷓鴣刷毛翰獨排六翮秋風緊
強忠烈公祠迎神曲

昭陽作噩建月在元衛滑蠢蠢孽牙其間明哉守土神
鏡虛懸巨慙斯禽以破厥姦一琅琅線線窮訊鞠只赫
赫靈威賊睥目只戈鋌逐逐衆劫獄只二我獄可劫我
節不屈死寢爾皮生飲爾血魚遊釜中不日爾滅卓哉

平原惟邦之傑

解三

皇帝曰咨爾社稷臣爾節爾烈爾

公爾明越嘉折首鑄鏑銷兵洪惟我

國家肇祀明禋

解四

乃命守土俾立公廟春秋祀事有赫其耀以康公

靈曰惟薦德馨

解五

匪昭爾忠載卹爾後襲爾騎尉永保

勿朽於戲

皇王兮如日之升於戲公靈兮來享來甯

解六

右祀忠烈公

諱克捷

神鼓擊兮神旗飄鸞吹笙兮鳳鳴簫烟細縕兮曳青綃
靈連蜷兮爛昭昭蛾眉罵賊益驕鼎鑊刀鋸色不撓
蘭摧根萎蕙質銷烈烈千古英風標神朝泣兮鬼夜號

掃機槍兮淨沈寥榮封紫泥
天語褒從祠忠烈貞魂
招奉椒漿兮犧牲牢妥爾神兮匪云遙於戲來格兮駕
雲輶

右祀節烈恭人

忠烈公長孀也

題純陽子飛劍圖

華胥一夢喚不醒世事升沈同泡影
人生數十年客耳不敵黃梁炊半頃
深山從此著道經終南有徑無人行
三尺龍泉鵲鷲淬徃徃飛躍寒芒生
疑是神物會變化神仙豈有情難平
我欲開眼刮矇眊并得枕頭鑿萬竅
去年空轡過邯鄲秋水稜稜挂遺廟

瞑坐

瞑坐不知久，閒行小院東。
月明常下露，雲淡不因風。
去國一千里，寒蛩五夜中。
沈沈催玉漏，河漢碧天空。

鴛鴦篇

有序

余友俞生香工詩能文章，著有生香集而德馨女史生香之佳儷也。亦著有散花仙館詩草、窗紗風雨佳句流傳人豔誦之。甲戌春仲，余自漢皋來，章門出合稿示余，爰賦鴛鴦篇題其集端。索和云。

鴛鴦鴛鴦交頸語，翠鬢紅毛宿花嶼。
文章五色光陸離。

憑君繡出鴛鴦譜，俞郎挾藻如春江。蘭閨倡和吟新腔，
花開解語拈題並帶綰，同心得句雙生香山房。筆垂露，
秋月春花翠箋句，散花仙館織錦裳。鳳釵鸞鏡新樣粧，
豈是前生乞天巧，芝芙聘夢啣青鳥。枉誇茗賦鮑君微，
羞將眉畫張京兆。遙識呼卿愛比肩，剪裁新碧輕裾鮮，
人間豔福能消受，紅豆不種相思緣。古來佳話神仙耦，
洞口桃花亦何有，弄玉惟堪蕭史儔。寶釵妬殺秦嘉婦，
翡翠吾家舊筆牀。艷絕千古迴雲章，他時板職騷壇上，
解圍儻設青紗幃。

古意

匪深江與海匪高華與嶽天地有凹凸日月如秉燭蠶
叢方寸起力盡五丁哭歎而揚洪波欲欲汨陵谷大險
設無形離婁詎能矚安得化皦日如矢伸鈎曲

寄懷馮二廷椿西蜀

我家黃海似岷峨久客瀟湘負薜蘿幾日別離生綠水

遠聞兵甲洗銀河時川陝有警不日奏捷

巫山有雁書難達楚國

無猿恨轉多十二碧峯烟樹外相思飛逐棧雲過

喜雨歌呈阮芸臺年丈

四星帝極輝五嶽天柱特惟良應簡在於皇運時翊南
昌古洪都分野斗躔歷經秋旱魃驕高原盡龜拆蟲蟲

苦焚憐奠瘞卒圭壁耕夫叩天呼力盡若枯腊我公馳
傳來睹此怛焉盡訴天泣真宰默禱至誠格鳴鼓掉潛
龍海水立絕壁黑雲千山壓陽烏歛逃匿劃然傾天河
颯沓萬珠擲歡呼動四野賁若草木殖新政下車初蘓
此一方赤緬昔鄭國僑火烈防水溺惟公威克愛鉏莠
衛良植不日德政成鐫銘拜頌石

擇交行

君子神爲交死生無渝盟小人面爲交勢利爭逢迎賢
豪丁困躓交臂不問名市井朝發迹暮約爲弟兄榮枯
苟異勢冷暖情互傾甘醴豈不悅美疢與之并藥石豈

不苦砥礪貞吾行涇渭慎所辨結納毋相輕

杜尺莊孝廉以蘅草篇見遺詩以酌之

商聲滿天地落木知秋心雞窗坐風雨執卷聊滯滯
瑤華歛而至悵悵調嵇琴感君絃中意報君指上音相如
聞苦猶五稔廢幽尋理妙靜中息張邴夙所欽矧君連
理枝綠葉交穠陰胡慕勞生術而令百感侵禹穴探竊
窾秦望陟崎崿冷冷鑑湖勝悠悠曲水潄願言汎蓬萊
夢寐慶盍簪茲懷未云遂東望白雲深

滕王閣懷古

地迴天高落木秋崢嶸百尺壓城樓奇才一代風雲散

帝子千年蛺蝶留舸舫南來危閣峙衡廬西瞰大江流
邛堪誇傲韓公筆弔古曾經最上頭

寄懷俞五

大本

弦望有盈缺相思無盡時江湖秋水濶風雨故人遲
路遠征鴻倦涼多病雀知艾城無限好應得寄新詩

歸燕

燕爾來何所每逢秋社歸嗟予去鄉國千里故相違
幽草留殘夢疎楊帶落暉江湖不可渡心與白雲飛

絡緯

西風一夜鄉思急絡緯無端更攪愁露重玉階涼月墮

寒生金井碧梧秋
踈砧寄遠三千里
斷夢驚迴十二樓
暝色無端天似水
疎星耿耿漢悠悠

九日擬游圓覺庵雨阻不果

秋深風雨逼九日
罷登臨古木憐蕭寺
幽居且放吟雲
陰連漠漠雁影去
沈沈選勝待尋約
攀蘿豁素襟

戒食鰾

老饕夙成癖烹鰾
供朝餐陳郎中田
客入座再三歎借
問胡爲者惻怛不
忍言臨俎血淋漓
沸湯如煎湍細紐
得造化纍纍此中
蟠閻然窺釜鬻寸
寸仰腹翻以死護
厥孕焉知軀已殘
使其能號呼貸命
不暫寬嗟哉怙與

恃罔極天地恩生死無他腸微物固同仁梟獍繁族類
胡弗窮其倫

勵姪壽昌

縑絲不求端絲亂終難理力田不及秋美稼猶糠粃金
掌露如珠晞陽不移晷唐花非時幻轉瞬隨蕪靡溝澮
豈不盈古者良所耻

高官樂

哆口白虹嘯鸞鷲卓犖軒騰氣嶽嶽乃祖沙場草裹屍
子孫十世腰鳴玉炎炎赫赫燭里閭賓從颯沓交軒車
窮愁何物老腐儒圭組何必通詩書富平年少千金軀

鬼物豈敢來挪揄俯顏仰息分行趨旄旗弓矢十二衢
秦箏趙瑟追歡娛追歡娛苦不足月黑天陰鬼火出髑
髏滿野塞草宿生者屋死者壑祖宗悲子孫樂

題畫

空山無行踪遶屋古木勁中有避世人疑是谷口鄭希
心蘊太初寂然養真性塵網永無期絕壑寄幽興誓當
觀三庭白雲泯無競

寄懷李鹿籽

慶來

美人悵望碧雲端孤負梅花帶雪探昨日隴頭逢驛使
恨無春夢到江南

雪

同雲積天低暮雪千里送昏零捲朔風大字弭缺空攬
竒登危臺遊目郊野縱健驢無人跨道沒行路擁年來
四方旱卒麥不能種婦子嗟化離父老仰屋慟况乘兵
燹餘 皇心盡焉桐鑄鼎伏魑魅瘡痍未極痛蠲賑道
相望濟時諒宰棟天心本至仁閔茲生齒衆郊原蒙粉
糝屢豐自今頌

遣愁

愁來如亂絲萬緒不可理靈臺了無礙坳坳胡爲滓我
欲掃愁如振籜百丈晴空倚危閣天門虎豹嚴九闕坐

視雲中駕鸞雀那得珊珊九仙骨玉女粲齒流光燦金
尊美酒誰與傾李白劉伶今不作東流之水無重回駐
顏枉鍊長生藥百年儵若截道颺俛仰沈吟轉蕭索忽
然排闥清光來明月出嶺烟雲開放眼萬里無纖埃豁
焉澈我明鏡臺泓如冰釋波滌洞內觀三庭洞無物天
地於我何有哉

詠古

卓然青史濟時臣北闕南山許乞身薦剡從來千古事
報恩偏說捲簾人

建儲首議定官家再拜君門謝勅麻侃侃四朝忠讜節

那將蜀錦織蓮花

偶興

霜迴碧天沈鄉關萬里心常憐雲獨住不與雁傳音霧
薄空寒月風疎續遠碓金釵遙夜卜此夕寄愁深

對雪懷方通甫潯陽道中

夜寒不知曙曉起天地白輪冰摧雙轡征邁思我客華
堂列高炬良會亦已昔匡廬鬱崔巍南北名飛翼願言
尺一將慰茲相思夕

雨後東園卽事

曉窗迎晴旭策杖東園行空階一夜雨小池春水生新

綠結蒼苔時聞啼鳥聲微物荷大化粲粲敷華英無言
坐忘久陶然怡幽情

春怨

陌上紅塵控紫駟春歸何處杳難留刀環夢斷人千里
莫遣楊花入綺樓

書唐六如傳後

拘墟國士館招賢慨惜雄藩跋扈年不染污泥心似水
千秋高節並青蓮

題三俠圖

烟塵四起亡隋室割據山河覲神物蛾眉俊眼識英雄

漏盡忽聞驚屈戌屍居餘氣何足畏願托賢豪侍巾櫛
雄裝疊騎歸太原鹵莽幾遭裂背叱赤髯如虬亦龍虎
排闥倒臥胡兀突翩然一笑呼作兄傾心原不因仄葛
芒碭真人赤帝子裼裘而來動日月滿堂颯颯英風生
見之心死嗟咄咄羣雄競逐中原鹿燭火焉知杲日出
圖王不成且圖霸會當橫海爭奇烈貨泉揮手二十床
去馬滾塵飛鳥疾扶餘劫業醉東南淩烟圖畫須眉活
此圖精彩橫飛揚疑是吳生授神筆英雄兒女已千古
撫劍茫茫欲凌越

策馬出郭門行

箠馬出郭門悠悠緬東菑翼翼莠與苗各荷大化私植
苗不鋤莠嘉穀終朝萎耘耨不先雨滋蔓胡能治日螟
騰蝨賊烈烈投炎威西鄰有情農淫心舍鋤基貪天以
爲功草宅蒙離離爲語明農者去惡毋後時

春鶯曲

曉鶯聲裏碧煙消旭日籠光透綺寮夢斷玉關春已去
隨風啼遍綠楊橋

贈友人

美人翠袖按紅牙醉夢迷離客當家記否故園清景絕
蕭然明月伴梅花

題采蓮圖

波鄰鄰煙淼淼烟波湖上歌聲嫋十里紅開菡萏香人
與花容同窈窕木蘭爲舸桂爲橈新妝翠袖香風飄耶
溪女伴采蓮去隔花人影波光搖采蓮莫折藕折藕傷
妾手妾心并蓮心同根誓相守獨憐彼美湘之南年年
蘭芷空江潭

雜詩

春風何時來開我繡羅帷伊胡度江海不送良人歸自
君之出矣聞寂掩蘭闥燕泥落杏梁蛛絲冒桂楣開我
芙蓉鏡損我珊瑚釵待君開鈿盒對君理容儀園花何

灼灼階草復萋萋昨日夢君側執手歡以吟容顏似疇
曩情意素不乖忽遽離魂覺殘燈耿無輝展轉勞寤思
將是疑復非重復溯所由道路恍惚迷知君執亮節金
石誓不移悠悠互寒暑烏兔相迫催願言崇令德勿爲
長相思

月夜過孫桐軒見梅君小谷所作叢篁摺疊因出
便匣爲索與可之筆詩以副之

明月如故人清光不我速君齋尺有咫度徑穿花木入
門未撫席虛堂迓寒綠深怪夏熱煩那得商飈逐造化
君手驅笑爲展一握籜龍壓石出勢若尋丈縮夙未夢

洋川已坐貧管谷梅君豫章材翛然拔塵俗我愛坡翁
詩寧可食無肉何當墨淋漓一噴滿素幅彼姝何以報
爲奏瀟湘曲

子夜歌四首

歡云勤寄書見書如見儂相思淚盈掬難其尺函封
玉顏坐愁損攬鏡傷春姿不敢向郎道但云同舊時
未諧封侯夢別離已宿昔楊柳搖西風吹入關山笛
令名空爾爲只願心無左歡爲長命絲儂爲連愛鎖

題麻姑采藥圖

蓬萊雀馭近何如曾向三山采藥無五百年來塵世改

靈壇春草綠平蕪

贈孫雲帆

鼎

王孫聊落誰知已愧爾論交十載深
求食難開今世口讀書須得古人心
由來髀肉英雄感莫遣霜毛歲月侵
濁酒一尊琴一曲北窗且爲放長吟

放歌

仰天呼白雲白雲不我語舉酒祝明月
明月若我顧雲中之君誰與歆青天碧
落空漫漫素娥竊藥后羿死往往泣淚
紅闌干不忍人間照離別三五清光圓
復缺前生我亦餐霞人謫向黃塵苦羈
縲山礫礫以差我水庵

鹿以注過矯羽翼而磨歎采杜蘅而嘯歌洞中煮胡麻
日月不知老人壽無百年爲樂苦不早却恠天台二客
遊俗骨難與仙爲儔碧桃花發無人管躑躅空山起暮
愁

菖蒲

昔人耕劓菖蒲田菖蒲蒙茸成陌阡不須更竊西母藥
服此可以駐百年我生難期上僊福手植一盆閒寄目
春來時雨散輕絲滿甌靈根苗新綠

頡羹侯歌

蘇季相嫂郊迎劉季王侯頡羹垓下功倖成之赤帝子

烏誰知嫂知之爹胡復頡羹侯宿怨復頡羹爾爲太公
哭太公項王刎上肉

送俞二雲史焜之都昌

鯉魚風起滄波老一樽遠祖江州道天爲臨別釀秋陰
慘淡盡入離人抱扶風絳帳三月開飄然長揖匡廬來
爭盟我始執牛耳專場觜距驚雄才門前問字軌轍亂
絕景誰敢追龍媒虛懷空洞畜化谷容我莊論參俳詼
宗唐祖漢憲章備後來門戶誰能排滯哇悅耳斥鄭衛
徒有月采無筋骸我持此論俗眼白與君叩答如探懷
東籬九月見榮鞠主人彭澤新歸來

時同寓陶
吉菴館

持螯賭

酒縱歡樂驪歌何者相爲催文章氣誼重山嶽作別天涯苦棖觸我亦歸帆指楚江白雲千里空相逐

冬月返棹楚漢留別同研陶衡軒 大銓 松君 福恒

王吉林 樹梁 兼遺俞雲史 燒 都昌

我非扶風絳帳之鄭元又非南州下榻之徐孺執挺門
生竟居長研北相依愧康瓠二陶筆能軍壁壘不得突
一王才調勝朗若當春月翰攻墨守操室戈門戶紛紛
啣前哲豈無惡石愈美疾何敢堅自搖頰舌有時駮古
義如琢下和玉有時振新聲如張洞庭樂可惜俞卽海
東客半載燈窗掛帆速鄱湖盈盈杯冰耳咫尺不異乖

海角阜鵬風急霜氣高野岸落木聲蕭瑟湘江千里一
放棹驪歌惱人中鬱陶不辭繞朝策且醉中山酒男子
射蓬弧莫老兒女手毳毛腹背亦何有君不見北海鵬
運培風厚

留別王遠夫

文源

此夕一尊酒已馳千里思論交推子長問字可吾師作
賦悲王粲窮經讓許慈風塵半生老富貴十年遲結綬
聯車輔歌驪感路歧霜隨寒露落月帶衆星移岸柳全
凋葉江梅待折枝縱教幽夢寄奈此斷腸時猶喜椿萱
健堪修定省儀秋風盤鷺鶉各爲跂前期

北風甚勁夜有雪意遊子未歸感而有作

北風驕黑夜寒氣逼虛窗萬木驅奔馬千聲亂遠江燈
殘光欲滅酒薄力能降獨感門間倚歸雲指楚邦

不寐

不寐厭宵柝孤衾曉尚寒斜窗得月滿古壁貼檠殘三
十頭願近更番霜雪難千秋吾志在捧檄且郎官

夜聽行

畫堂貼地紅鞦韆獸炭夜添鵲尾爐綠鬢二八巧粧梳
琵琶遮面作吳歎朔風簾幙不得入却怪氣候寒溫殊
主人愛客款客車蘭膏紫焰月不如候鯖傳餐恐噴叱

馳蹄作羹空挪揄日食萬錢何足數小酌直欲窮千壺
可憐赤體冰裂膚茅簷終日首山呼

孫雲帆

鼎以南城吳白广畫竹題詩贈別詩以酬

之

我愛洪侯石農筆竹石堅瘦神清高前年歸家越山左
貽我數幅生吳綃虛堂無人不致掛恐有風雨來趨朝
自容古灌城兩載放歸舸孫郎示我一卷畫入手墨花
空際墮白广先生湖海士吾子等夷詩亦頗若將南城
視監司

石農官河運監司

何用子舟驕與可南城落拓官廣文

子又偃蹇嗟窶貧世人白眼何足論且與對雪傾金尊

壹園詩文集
三
人生離合會有數新詩悵望寄停雲

詠史

結髮拜師傅相隨伯仲行讀書志千古報國羞文章
匡晉謝安石佐漢張子房投閣莽大夫法言宗素王青史
立龜鑑長嘯睇八荒

服政耻刑名所期輔經術蕭何嚴律令張湯弄刀筆
疇上綏刑書生死月白骨仁民古所訓推恩類羣物匪無
稂莠除要使農功畢

吾慕越范蠡明哲能保身拘囚泣會稽納橐踏艱辛功
成長揖去烟波浩無津自來烹走狗危身倚高勲豈獨

文大夫萬古悲忠魂

嗚彼長樂老偷生
徼主組當其中
夜思豈不汗顏泪
生榮乖死辱一息穢
千古幹蠱子孫賢
前愆詎能補俎豆
祀忠良聞風立頑豎

甲秋寄懷伯兄芷軒

濤

文章事虛聲骨月遠殊隔
前年走燕郊長軫歎行役
還歸未席煖去若不宿客
曰居古灌城締緒忽復易
豈無瑤華將其如鬱陶積
陟岡緬予季悽歌志弗悻
矧乃一輪圓千里同茲夕

贈別周二樂夫

振智

江上秋風老天涯送客歸已看黃菊晚竟作日雲飛
櫺
哭吾嗟阮文章孰替韋倚閭知已久不敢滯求衣

盡園詩外集卷二

題馮夫人錦車持節圖

烏孫願結兄弟國
楚主和親嫁西域
夫人馮嫫媵蕃車
千古鬢眉出巾幗
滄桑百變昆彌家
朔風吹損昭陽花
豐貂覆額作胡婦
鴟絃捍撥彈琵琶
夫人文史籌邊用
夫人信義羣蠻重
紫泥飛墮鳳皇城
紅袖徵歸勅勒營
天子明堂賜顏色
持節麟麟傳翠驛
不將鋒鏑變笙歌
竟使兵戎醜玉帛
嬌羅旋綺深宮居
有夢豈到狼居胥
方叔自能誅獫狁
終軍合請繫單于
秦皇漢武窮兵者
鬪體生齒長城下
如何赤谷錦車回
胡笳羌笛烽烟開

烽烟開昆彌服麟閣功臣貫弧韞爲補美人圖一幅

寄懷曹石麓師謙

長卿苦渴瘠休文體廼弱先生三十年久爲二豎虐章

門我重遊珠江君赴約

時應彭春農學使之招

振振載言歸一見

喜如昨謬以文章許謂可性真託情深不在貌踪跡亦

踈落曰余反漢陽力疾話深閣贈我困學編佳石尤所

矜友朋通性命隙末事可憫尋盟易爲好寒盟易爲惡

若彭劉二汪

謂春農荆湘眉生大竹小竹

君謂重然諾變作在原鶴

常作和陰雀良覲遲將來奈茲歎離索長安期着鞭幽

病脫纏縛慮瘳物不營有喜占勿藥黃樓鬱嵯峨滕閣

倚鬼嶠瑤華望寄將無使天涯各

口占

一卷新詩記客程蕭條落木已無聲
匡君不使窺真面得似衡峯面面迎

望廬山

歐公去後七百年有誰敢續廬山篇
我行日日與山對我不作詩山亦怪
但苦黃塵積累牽陟山未得窮其巔
雲間五老齒應冷新爾獨新名山緣
西山有時隱東山有時起盡若巢由肥
遯高何處清流洗雙耳方今幸逢堯舜君
殿除名世皆經綸出爲小草亦何補捧檄爲

欲娛吾親鉛山儻割孺子肉薄物亦足推 皇仁不爾
驅車策馬遍赤縣攝取江山入詩卷古人惟重不朽名
今人那作朝陽霞誰能豁刻常閉關空山老死埋榛菅
此行且飽看山色匡君匡君有靈倘我識

裘振北茂才照履索予書予行亟未及作也德安
道中長句謝兼寄懷

我書百病無不有落筆先自憎奇醜豈特羊欣羞練裙
掩鼻直恐途人走何期宥有嗜痂癖風流宏獎不容口
謂跼未得古人法猶愈俗管撫誰某譽非所分喜且驚
欲苗薑芽復斂手文章自昔宗史遷如古器物尊墨卣

鹿門茅公法眼藏篠簜澁體吾無取法書夙昔推鍾王
後來作者皆培塿嗟我失學乖師傅聞子虛聲益顏厚
坡公論書貴師意矧說差可文慚忸惜不與君共切劘
坐使洪鐘大小扣客途快挹匡君廬日與逢迎似賢友
放吟長句書一幅太歲在亥月在丑迴首雲烟寶翰樓
君讀書處倘有新詩寄吾否

觀音閣

高閣枕溪邊溪聲不計年歸途一登眺匡阜正蒼然烏
雀爭深箐牛羊散夕烟長天霜月迴明鏡正孤圓

極目

極目蒼蒼闌夕曛客行日白路斜分
經霜古木辭黃葉
得月高峯斷白雲雁鷺影隨寒渡
沒波濤聲送遠江關
數家茅店成孤宿倚壁殘燈酒半醺

曉發

開門不見月山背清光滿殘星散
曉天村雞亂荒館前途色未分
霜滑行人斷

寄懷舒晴嵐德宣德安道中作

舒君文節芳之裔孫我初識之於章門
長輿磊落多節目
眼底豎子皆雞羣
我狂名滿人口君握冰鑑離風
塵文章我輩得真契
豕稽何必變俗論
立功德言三不

朽今人幸生古人後經畚史籍苞精英金鏡刮翳海月
明放翁詩欲無人愛此論至高非定評若使名流盡屏
弃未及身沒埋荒榛如君才調足千古勿與人世爭虛
聲自是虛聲誤人最古今幾困賢豪輩身懷奇蘊思苟
試直尺枉尋胎禍大因親賢訓孰可宗輔我猶期納良
誨去君日以遠去家日以近心喜發狂吟亮君識愚蠢
各有高堂霜鬢親專美不得俾王尊潯陽江水瀟湘月
上有雲鴻下錦鱗

廬山道中讀黃仲則先生詩畢題後

天半羣峯峭碧摩兩當軒草對長哦身兼貧病歡歌少

詩到幽燕壯氣多千古奇才艱壽考一生華組渺山河
我生三十餘年後展卷臨風涕淚沱

途次寄懷萬穀民茂才

啟遵

辭君數日行千里地凍天寒此客途人踏斷冰殘月缺
雞鳴高樹曉星孤鈍才難淬青萍劍奇寶徧藏紺色珠
三世交遊兩旬聚文通銷盡別魂無

道出武穴得何數舉

詩

遂初堂集與申讀之時數

峯寓予家歸作歌以贈

我行蹙愁鄒家闕入眼驚看遂初集登輿不敢放誦聲
恐致晴空風雨泣君昔官粵東我年甫冲齟海內文章

甫白推珠江政績龔黃近又聞從軍轉餉勦黔苗戎馬

書生厲矛盾貔貅五百截龍蛟

時君帥師一旅由水道進軍

放作詩

歌愁肺腎天公猶謂力未雄要使出塞萬里縱觀龍堆
馬邑之異域坐拓羅星包海之奇胸坡翁謫還文益肆
柳州遷後詩逾窮展輪轍始濟淮北 賜環 詔已來

江東我疑神靈闇昧恍惚妬才大不令遐荒闕雄怪豈
知此老筆奪造化功下視紛紛已曹鄧卽今一卷冰雪
詩腕中有鬼窮磨治子雲我欲問奇字幸不麾斥遭呵
唾且莫乘風江上看帆飽春江花月三春好潯陽歲暮

烟波老

新州早發夢覺口占

遙知犬吠人家近
星影踈踈月影斜
寶鴨金鴉綃帳暖
有人香夢逐輕車

讀相如傳有感

相如詞賦動千秋
狗監無人已白頭
從古雕蟲輕下土
可知歎鳳要名流
貴來題柱君何遜
微日當墟婦莫愁
封禪有文書
諫獵生平功過兩悠悠

七賢詠

陰陽戰元黃
天地無亨途
濟時違夙願
祿仕不苟汙
至性薄繁簡
棲神窮素書
憂懷發孤詠
凡鳥徒區區

阮籍

軒鳳乘殊姿，卧龍揚休名。高辭薄湯武，採藥希安彭。養
生著高論，寡營遺濁形。悠悠謝羣蠶，東海聞琴聲。

嵇康

當塗厄陽九，養晦保明哲。避秦魯連亡，翼漢綺里出。頽
風振陵遲，真鑒引淪屈。遂初興公賦，龍門逼天闕。

山濤

曠放隘宇宙，萬芥爲須臾。沈飲類逃世，達情無古初。論
交神解遇，與物齊榮枯。鹿車隨荷鍤，渺爾遺形軀。

劉伶

緬懷始平守，邈矣高風劭。君明宦不達，默解隱元妙。縱
情廢彛儀，貞性久彌耀。酣宴樂茲歌，何用據清要。

阮咸

嵇阮接幽鄰，箕山踵高蹈。清悟達遐心，元風振冥奧。手
注漆園書，郭象實剽盜。容迹聊優游，終焉期雅操。

向秀

潛沖秉神悟清賞隱元默矯物收令名居鼎托遐迹虛
慕遠援賢齋懷和嶠癖卓識鑒人倫毋乃鶴雛嚇王戎

續明史新樂府十二首

紅板倉

濟濟太學峩峩譽髦亦有廩餼以詠以遊一解茶之苦兮

不可植蓼之辛兮不可食曰余有室家伊胡乎殖二解王

命爾後士登陟廷止弗耕胡穫何以酌醴乃求于斯倉

黿爾婦子三解既昇我祿既綏我家稽首后矣降福孔嘉

億萬斯年兮日月重華四解

姦黨錄

有功不祀雞鳴山有罪首從姦黨錄太師少習法家言
何事髦期陷大獄大義滅親古有之密語頷首無人知
捉影捕風事難斷明年又聞藍玉叛叛不叛罪狀畧憑
功狀鍛豈獨胡藍駢首誅賴國宋國真無辜

哈立麻

大國師大善佛西方來祝齊被青鳥至白象馴降甘露
爛卿雲梵唄天樂空中聞侍臣獻頌叩帝闈頻仍水旱
何足云烏乎求瓊田墮花雨前秦皇後漢武

開銀場

封礦盜日滋開礦民益蹙民窮轉滋盜利害互根伏官

家著令設稅租朝出長官暮吏胥吏胥怒如虎小民伏
如鼠視眈眈衆恒恒索敝賦罄囊貯下者肥身家上者
奉官府一家笑一路苦官家強半私家取弊政豈獨一
銀場成法慎莫輕改張改張實乃民之殃

呼萬歲

日月凶雷震殿水旱荒星晝見大臣稽首叩殿除天子
御殿皆歡呼中官卻先與申約且莫形廷縱諤諤是時
貴妃毒內訐貴戚勢熱熏穹窿攀附權奸列清要視天
徒爾昏蒙蒙彭公商公兩碩輔泰山北斗威名崇今日
內廷請召對閣老只聞呼萬歲

刑部吏

東廠枉斷獄刑官不敢覆一覆忤東廠坐罪禍尤速刑部吏憤上書踏虎尾捋虎鬚乞下臣言斬臣首但草東廠甦無辜小吏進直言長官慙且愆君不見紙糊閣老三泥塑尙書六

大慶法王

世間怪事那可述皇帝居然作大佛此時不稱鎮國公且向沙門接衣鉢劉孃豔色天下無張灣南去乘鸞車快船黃馬如雷電鬱坐大內胡爲乎區區神器安足重付與權闖手搏弄入虎包然氣燄張忠臣伏闕干聲慟

君不聞六龍南征奏凱回傳呼威武將軍來可惜中官
使西域幡幢珠琲無消息

步虛詞

九關虎豹司天門金宮建醮尊靈神西僧昔成智慧佛
世廟方士封真人朱字篆綠章膩滑青藤紙步虛何縹
緲詞臣拜丹尻飄飄凌雲才咫尺天顏喜瞻且禮生皇
儲真人紀功晉尚書豈特尚書號官樣入閣又有青詞
相

桃松塞

北方有佳人宛轉意態殊窈窕辛愛妾的的妍且都偷

得春風羶帳裏逼天正值狼烟起一騎紅裝塞上來邊
城流血三千里女子何關虜輕重七十餘堡新鬼慟鼓
聲如山震大都武庫甲仗成敵禡嗚呼灤河寇大同寇
將軍奇功美人授邊釁不聞誅佞賢

張先生

神廟嗣立方幼冲赫赫師傅威權崇此時但畏慈聖后
調羹豈識鹽梅功江凌相業幾震王國僑火猛承餘風
胡爲身後禍踵發修怨羣口交相攻奪情獄起李文達
竄逐新鄭憑於馮自來秉國良非易明鏡鑑物中虛空
姚崇自乃救時相曲江風度誰能同

天鼓鳴

烏乎神宗流毒養癰曾是莫警天鼓隆隆門戶分爭水火設礦稅種奇魃妖書挺擊大獄興不死申生事亦巨兵荒水旱禍日叢天子端坐藏深宮宴然唐虞可復覩泄泄不與臣鄰通吁嗟乎四十八年國脈斬客魏凶姦禍彌慘安得慈聖太后常護持敬天之怒無斃思

白桿兵

一騎桃花寶刀掣不信蛾眉能殺賊請纓乃有女將軍白桿雄兵萬人敵將軍撫石榑骨肉同馳驅戰功始南川援勦涉崎嶇督師驅賊入川蜀指劃成敗如轉燭膚

敖單惡請莫磨血淚空向秦庭哭錦袍大小百餘戰艱
危難救全師覆慷慨歸來誓土舍有從賊者誅夷族嗚
呼夫人世絕倫青史千古誰同論不數唐家娘子軍

史督師

東南一隅當半壁大厦崩頽勢孔棘戮力艱危史督師
真是前身文信國小朝廷成暮氣籌餉籌兵勢莫繼優
童豔女進後宮二陵王氣隨蒿蓬存亡獨倚一閣部內
有權奸外跋扈上疏血淚誓六軍趙家片土埋忠魂至
今沐雪梅花嶺猶拜前朝閣部墳

題洪旃林

櫺

秋峽從軍圖

蜀山高高崔巍閣，
骸腥羶築高臺有人匹馬從軍來。
逼天妖燄燒空赤，
上連夔巫下楚北。
亞父能軍細柳屯，
隗囂末易丸泥塞。
書生殺賊胆氣粗，
屢下寶劍懸明珠。
豈爲封侯骨相飛，
食肉報國不惜千金軀。
我從二泉來掛席，
鄂渚游巖君調羽。
檄從戎厲公矛時，
雖未學穰苴法。
乳虎氣已吞百牛，
今見君圓色飛動。
置身筇笻神翔躡，
酒酣耳熱騁劇談。
往往豪情激餘勇，
君不見廟堂聖神廓宇寰。
伏波何用老據鞍，
大堤共唱襄陽好不聽人歌蜀道難。

包包山司馬

祥高

坐中見插綠萼梅花成樹感賦

入室寒烟迸空綠
主人烹茗珠煎斛
孤山山人已千古
誰遣芳魂返空谷
梅花本仙株
此更鮮倫比
山礬水仙
骨格卑
何況粗桃及穠李
靈根斫取深山中
鐵幹鬱律
磨青銅
枝頭苔蘚翠
猶積生氣遠
出如虬龍
冰霜百戰
不得老成
此繁花插晴昊
蘆簾紙帳
栖古香瘦
鶴閒窺
塵不到
吁嗟世人愛花賊
花性誰向東風續
花命關山
策蹇歸路迷
輕陰小雪
神慘淒
懸知翠羽啁啾
夜月落
參橫破曉啼

庭前向植海棠二株
移去其一
今年花時
枝半枯
槁其花
皆意致憔悴
有離索可憐之態
爲作是

詩因簡王遠夫孫雲颿諸君

海棠風格傾城姝，
寓齋伴我七稔餘。
千花爭妍春似海，
海棠嫵媚百不如。
有時雨中態更絕，
妃子着汗香生膚。
新妝睡起倦無力，
斜倚欲遣東風扶。
胡爲今年意怏怏，
獨立庭前悄相向。
豈因灌溉未得宜，
毋乃離羣氣彫喪。
人生臭味亦多故，
暮楚朝吳非一相。
美人不來春欲闌，
花兮使我增怊悵。

虛飄飄和東坡韻

虛飄飄行雲夢，
巫峽搗藥駕藍橋。
欲浪汨萬頃愛網罟，
千條鏤冰成花暴。
紅日散霧作綺橫，
青霄虛飄飄比時。

官位猶堅牢

游桃花夫人廟

時將有春明之行

東風不作桃花主一任春啼墮紅雨南國夫人貌若仙
晴霞匝地環新宇楚宮飲恨深復深虎狼拏攫鳳鸞瘖
卧薪臺畔口嘗胆英雄巾幗同苦心可憐一怒息仇復
綠珠未墜樓前玉死生千古非一倫草間偷活更何人
卽今廟貌魯山側軟塵颺起人如織他年持節記重游
人面花容倘相識

偶成

世事紛於指上螺閉門盡日藉研磨書經手摘忘猶健

詩到吟成悔轉多，閒踏草痕留屐齒。
愛看花影捲簾波，無私會取東風意。
不是方城白雪歌。

題吳克齋

廷讓

聽秋圖

梧竹影蕭騷，入耳秋意滿。
中有聽秋人，悠然去俗遠。
圖史列左右，倚机坐孤館。
餘技出濟人，造化握中筭。

克齋精岐

黃我非活國手，神術謝和緩。
秋來別有思，高歌白雲斷。

溫肅寓一機，隘見殊枯苑。
落落張季鷹，尊鱸絕繾綣。
悠悠陶元亮，松菊適情款。
何當跋高風，仰結古人伴。
讀君聽秋圖，因之博君莞。

望夫石

山頭望藁砧化石妾心苦藁砧他年歸石人不能語

暮春有感

風雨不知春欲殘雕紅斲綠總無端却嫌夾听長條柳
猶有飛花逐客鞍

愁雨

淡晨雨不已首夏峭寒積曉聞禽聲喧起視雲復墨戚
戚懷杞憂扇戶鮮所適於吾要何損所慮及蠶麥晏坐
對盤殮報焉慚食力

吳春晚

秦初

以瓶蘭見遺花畢以瓶歸之附詩索

和

不見動旬月白眼誰與青幸此畹蘭贈如挹幽人馨其
品澹且剛豈屑趨炎蒸置之青玉案耐久真吾朋開落
隨天時造物無過情玉膽君所愛古質光熒熒久假夫
豈敢坐使嗟瓏玲敬將歸趙璧毋令羞擊瓶

久雨喜晴呈裘漢陽明府

行想

黃河捲上天十日瀉未了陽烏秘靈景扶桑不知曉襍
被臥終朝強坐心神悄忽驚光射眸手足發狂掉樂意
蘇草木歡聲到禽鳥猶恐麥已爛不食等辛蓼相期限

公游絕勝下山禱

東坡有山禱晴詩

將之燕京寄懷俞雲史

煇

惟別銷魂恨轉深
鞭絲又趁綠楊陰
懸然恨遠三千里
同我湖山夢武林

雞窻六月燈火青
尹班永夕並忘形
出門卽已天涯遠
林外啼鶻不忍聽

讀房瑄傳

深源不出蒼生歎
次律虛名誤謝安
青史任將功罪定
琴聲自愛董庭蘭

裘明府次韻喜晴已而又雨復以原韻索和見答
詩有久雨斯久晴理足何容禱二語故有未韻
偶齷如強顏殘照落未了天公意不厭傾注復澈曉坐

使融洩情仍焉變憂情明廷有官守此心詎輕掉想見
老農夫窘縛甚囚鳥庾豈望京坻蕪難及茶蓼公非早
母蕭膾解可毋禱

過武勝關

關在山半爲
楚洛分壤

羣峰作勢圍蒼莽天與嶙峋劃楚疆北望黃沙平漠漠
南迴白鳥度茫茫泉飛清響疑驚鶴石臥荒烟未叱羊
却羨山僧能避俗誅茅占斷白雲鄉

宿李家寨

那得車生角馳驅世慮紛客途殊未已暝色正平分樹
小難藏月山低不礙雲同車二三輩差免感離羣

利涉橋觀月

次樵山作

日落車聲歇長橋緩步行遠山愁不盡新月一鉤橫

途行有感

回首鄉關遠前行客路遙曉星雞角角落日馬蕭蕭細草埋荒驛垂楊斷野橋淮山終可隱叢桂漫相招

渡河

車馬津亭駐蒼蒼暝色昏荒沙平野濶落日大河渾作勢爭天塹奔流赴海門長風布帆穩指點渡頭村

空階

空階岑寂夜寒月使人愁碧漢方低戶高歌獨倚樓關

山何處夢天地此時秋欲訪君平宅金閫不可求

寄懷杜尺莊

魂夢不可越蓬萊我欲居湖留狂客醉亭搦右軍書行
李關津老羈懷歲月虛牛羊歸夕墅鳥雀趁荒墟朔雪
幽花盡寒雲古木疎思君渺何處落月下庭除

寄懷許小山同門

朝仰

洪厓山高入雲宮亭湖水連蜀岷叔重磊磊卓不羣
豫章聳壑枝輪囷扶風傳火不異薪偏師摩壘無曠旬
崇宣高業皆彬彬與公瑾友如飲醇秋屏閣前揖廬君
郎官湖上呼醉魂蘭橈一去波不春燕山忽聽車麟麟

如虹之氣不得伸，鷲鴟奮翮排靈鷲。錦臆絳縹毛羽髣

天地黯慘雲霾昏，結蕭朱綬登玉津。

謂俞雲史焜裘勗初元淳芝華

擢秀離棘榛珊瑚，株十丈海底淪緯蕭。夜鍛珠爲塵龍輔

國寶空自珍，念重緹繡藏瑤玑。胷中厯厯羅星辰，夢生

雙翼登八門。美人遲暮幽蘭紉，尺素千里將殷勤。北平

九月寒，雲屯雪花如掌光。閃銀酸風砭骨膚，肉絨天雞

往往報失晨。紙窻薄藉爐火溫，蒙被僵臥遲朝殮。無事

獨傾犀首尊，酒徒散盡今無人。何當季雅結比鄰，風雨

弗間苔岑親。洞庭張樂聞韶鈞，地脉縮取無由神。魚鱗

猶得窮辯論，毋使祖述先劉琨。

憶丁五

歲晏百憂集况君行路難遙知荒野外驢背獨衝寒易
水悲風咽燕山落日殘蒼茫烟樹隔空自倚危欄

寄丁五

敬禮吾良友長安不易居張羅門有雀彈鋏食無魚王
父厭微宦虞卿愁著書晉陽千里道莫令故人疎

皮耳二十韻和歐陽省堂孝廉韻

苦寒縮凍龜太陰出天鼈人巧奪造化耳語竟韜謁軒
輕兩不形左右各成列免唇補已全蟻鼻護中缺洞漏
三門通柱聳兩峯凸溫豈狐貉加取若葑菲節晒彼鯁

漢制訪茲贅疣設掩聰類塞纒守職象表藹雖非鵝冠
乘車勝歐公潔重門已沒輪決囁不得穴蝨搜形暗藏
牛門簪中絕抱珥爭獻奇貼地頗嫌褻匪事腋裘聚差
配鶉衣結鳴鈴竅不關紐針綉無裂疑茁幽田菌合貯
玉樓雪微特禦外寒直欲防內熱彬彬真有神墨墨豈
因畫當其試剪裁巧匠費寸截儼同郭附城垂肩日摩
切方耳謝羽人誰能與頡頏

李烈婦詞

烈婦姓王氏大興明經李濤室也濤以疾死越
日烈婦自經亦死鮑藉堂孝廉徵詩及予遂紀

其事

南方有靈鳥比翼隨羣飛朝昏互飲啄生死不相離賤妾初嫁君阿母爲結褵雙鴛玉連佩長祝無乖睽君幼讀詩書妾少知禮儀入門操井臼椎髻著布衣入厨作羹湯柔色奉饘醢綢繆誓白首自謂生世諧何意君遭疾憂苦迫煎懷帷帳御不芳膏沐屏不治擲瓊禱洲社灼龜厭神著淚枯眼流血流血成綆縈夜夜守藜榻奄忽命如絲青燈播孤幌慘澹陰風吹呼天一號痛悠悠隔泉臺阿母來慰女汝姑鬢毛衰中饋賴汝職寸草報春暉阿姑來慰婦身老風燭危吾兒去我先賴爾相扶

阿姑尚有子婦生亦何爲撫棺再三慟氣絕肝腸摧豈
不惜華色奈此大義乖南方有靈鳥生死不相離長繩
挂高梁委命得所歸天地運無極日月會有時貞魂烈
千古磨笄同芳徽輶軒庶云採願勒貞珉辭

喜晤趙二良甫

衛洪

石城橋畔放輕舟其踏槐花醉酒樓一自傷心南浦別
蕭蕭烟雨白門秋

黃鵠磯頭水接天郎官湖畔月如烟買絲欲把平原繡
贏得相思已十年

天涯歲暮欲銷魂
燕市還欣共一樽
已作諸侯老賓客
依然故態識王孫

黃河遠上曲聲高
畫壁旗亭意氣豪
知己定看羊涉在
傷心休賦鬱輪袍

出都偕俞雲史同年

焜

錢上舍

延豐

孟冬月詠吉驅車載言旋
誰與同戒途慘綠俱少年
出門未信宿陰雲
羃郊原須與密雨集
終朝勢綿延溝澮
畜已溢濁溜奔回流水聲
夾轂轉登陸疑臨淵
馬瘖齧汗蒸
予子防傾顛僕夫繭足歎
叱咤空揮鞭
昔時岷山道倏忽殊
亨遭夷險靡定形
時異勢乃遷
坤月春象發

信非積陽愆場圃復已滌比閭欣轉轉晴雨如轉環節
候時鬱宣與君且長吟毋爲心憂煎

村落

行行越都邑愛此僻遠村聚落無百廛鄰里相周親淳
閭泯詐虞樸邀少節文父老攜幼稚負暄倚柴門椎髻
聚宵績糾笠散朝耘催科鮮豪吏雞犬性亦馴下佇輶
軒采上期太史陳焉得化市闐盡使風還淳

崔南溝重見吳蘭雪舍人壁間詠杏花二絕有而
今縱有簪花分管領春風已白頭之句今年禮
部試蘭雪丈復報罷因次其韻却寄

往來鴻跡掃雲烟留得明珠照几前
頭白題詩已惆悵
春風如夢又三年

才人豈合老羈愁卅載輕裘賦遠遊
他日曲江春似海
翻教聽雨羨樓頭

庚辰冬寄懷周石芳師湖南

搜盡榘楠杞梓材散櫛何幸與栽培
敢誇秋駕三年內
會坐春風一月來
衛國有莊環樹石
萊公無地起樓臺
瀟湘渺渺烟波闊
口極衡峰待雁迴

邯鄲祠畔展歸輪
妙墨標題見性真

師過盧生祠有
斷句爲善諱之宣

室終須徵賈誼
湘江不比放靈均
繫懷霖雨東山舊
回

首烟霞北闕新惆悵侯芭難問字歲寒珍重濟時身

唐開元宮中五月五日造粉團角黍餠金盤中以

小角弓競射中者得食洪旃林檀繪爲圖屬予

賦之

五絲纏臂天中節翠釜蘭芽帶烟擷荆楚尋常記歲時
別將艷事宮中說宮中艷事溯開元美人小隊攜緗紈
金翹我髻如花立簇簇紅欄私語歡碧筠翠縷養筒裏
庾家香杭色如瑳膩滑還搓粉餌圓屑雲糜玉推星顆
巧貯瓊盤瑪瑙紅裝成香梁置當中年年却厭藏鈎戲
別樣新鸞半月弓雕弓裊裊紅絨擘玉腕斜舒笑無力

一縷香風金鑣飛分曹妬殺燕支色金屋由來貯美人
美人韻事一時新何如爭得君王寵一斛珍珠賜采蘋

劍

鑄出錐鋸鐵龍文百鍊精夜深占緯象紫氣斗間橫
玉匣飾金鐔千秋烈士心無人知拂拭風雨作龍吟
上將擁登壇威生玉帳寒腰間飛霹靂願爲斬樓蘭
一道懷秋霜星芒七尺長明光奏事罷回首顧安昌
千鎰黃金輦何人碧眼開莫教輕一擲待破寶山回
壯士有熱血出門何所投千秋心耿耿慎勿誤恩讐

秋海棠

相思猶傍宋牆東
幻出靈芸淚點紅
最是銷魂碧墀下
半簾秋雨半簾風

張青士同年

萬年

以草蟲團扇屬題卽贈

三月鶯花夢有無
連天秋草綠平蕪
是誰貌得滄洲趣
勝讀黃筌沒骨圖

石牀竹簟斜鋪處
漸漸秋蟲上草堂
我愛碧梧桐下坐
天邊雁影送新涼

同向蓬萊頂上行
鶴樓何事又同登
蓴羹鱸膾江南夢

愁殺天涯張季鷹

時青士
客楚中

題閔叟古道獨行圖

我歌獨漉獨漉泥濁我歌迷陽而不可以爲行

解一楊朱

泣墨翟悲泣匪爲路歧悲匪爲素絲嗟哉人間世習不

知以爲非

解二

吹沸愆口執熱濯手荆棘蔓延胡乃競走

競走亦可荆棘刺我

解三

波濤湯湯行與子褰裳胡彼周

行厥趾恐傷而視若茫茫

解四

予予予復復我獨世無

終南皆逐大陸胡足音之茫然獨徜徉乎空谷

解五

題黃母周孺人節壽傳

松心貞栢心苦心苦不得語誰淚連連兮下滴黃土告
皇天皇天如不聞高者陵下者谷赤者爲金白爲玉石
泐兮心堅城頽兮身全桂有枝兮蘭有芳告我君子兮

後有慶後有慶顛天門天門呀然豁賜我銀榜高懸呀
嗟噫海猶枯石猶爛願松栢之萬年兮永保貞幹

送瓜詞

有序

楚俗婦人無子鄰里戚串往往於八月十五夜
摘瓜餽遺節以綵繒雜以鼓吹喧闐市巷夜闌
未已事雖非典揆之風雅殊無謬焉爰作送瓜
詞亦記荆楚歲時之意也

澄宵穆穆舒金波簾樓耿耿懸銀河鳳簫象板競豪譙
長堤踏陣歌新歌忽聞鼓聲喧白雨報道鄰家送瓜去
送瓜利市祝生男說說蠶羽工歌南徐驂兒騎飾華服

紅燈對對如花簇，但向天公禱石麟。不願官家貯金屋，
摘瓜纏以五色絲。笙簫一路香風圍，主人接瓜大歡喜。
旨酒在樽，殺在几。旣醉猶聞吉語多，明年湯餅更相過。

寄懷馬少蘭農部同門

洲

聞道長安不易居，迢迢望斷故人書。絳帷夜憶親燈火，
粉暑朝憐曳珮琚。霜冷雁隨關月迴，潮平山落楚江虛。
相思魂夢三千里，爲把深情訴鯉魚。

過馬當

千里蒼茫雲路長，瞳矇曉日射波黃。蓬窗卧聽濤聲急，
已報輕舟過馬當。

江上風雨驟至忽霽

雲壓亂山齊，蒼茫天影低。
風聲號古木，雨勢捲長隄。
漠漠江村遠，冥冥沙鳥啼。
忽驚斜日漏，返照夕峰西。

江邊

江邊足幽境，村舍都傍山。
炊烟起山麓，誤作白雲看。

題從兄子宁深柳讀書圖

男兒不讀書，有如瞽無相。
讀書乃有命，造化力難強。
名經千佛詎足誇，曾中誰貯書。
五車耽書有癖，不解事揀金何用披。
羸沙吾家有，小阮綺歲雙青睛。
相如家貧四立壁，弃觚傳介權。
奇羸十年持莢去，東海白晝長厭魚。

龍腥峩峩侍講公遂初美孫綽

伯氏杏池公乞病歸里見姪招致及門授舉子

業阿咸甫還家乍見兼喜愕灌嬰豈是鬻繒人侯芭遂

入揚雄閣新篇脫口吐鳳皇牟尼一串夜有光騰文倏
領一鬢僞聲價驟覺超驪黃斯時意氣高嵩泰俯視科
名等塵芥百斛龍文有替人會聽霓裳踏仙界不然閉
門尊經師羽陵玉笥窮披治著書傳道宿儒事何似服
賈牽車時誰知哲人萎運阨天無功清臚更何辜竟類
蕭湘束從此廢書再三歎深源咄咄常書空六十作圖
已衰老把卷不釋心猶忡甦甦深柳堂幽居似過軸升
沈豈非天何事驚寵辱况爾讀書如刮鈍燭事如燭牛

渚屏我慙王湛號癡叔知爾不減謝宏微但願一邱一
壑樂泉石何用冠貂腰笏衣朝衣

偶見

作客驚秋易推蓬倚短窗蘆花白如雲一鷺下平江